

EH Bildu talde politikoa

Grupo político EH Bildu

Ijentea, 1 - 20003 Donostia

Tel. 943481027 eh_bildu@donostia.eus-- www.donostia.ehbildu.eus -

KONTROL MOZIOA

COVID-19aren testuinguruan, genero indarkeriaren aurkako protokolo berezi bat egiteari buruz

Reyes Carrere Zabala EH Bildu udal taldeko zinegotzia naizen honek, Udaltzaren Araudi Organikoaren 98. artikularen babesean, KONTROL MOZIO hau aurkezten dut, **COVID-19aren inguruan ohiz kanpoko protokolo bat egitea** dela eta. 2020ko maiatzaren 16an Pertsonen Zerbitzuentzako Batzordean Duñike Agirrezabalagari eginiko interpelazioaren ondorioa da mozioa.

Justifikazioa

Etxeko genero indarkeria da jasaten ari garen nahitaezko konfinamenduan gehien larriagotu den egoeretako bat. Genero indarkeriaren biktima diren emakumeentzat, etsairik handienarekin etxean sartuta egotea esan nahi du, eta erasotzailearekin bizitzeko denbora izugarri luzatzea. Ez da zaila irudikatzea zer presio psikologiko jasan duten; berria ez izan arren, desberdina da, eta, ondorioz, egoera berri honen ondorioak oso larriak izan daitezke. Duela zenbait astez geroztik, aditu asko ari dira ohartzen egoera horrek biktimengan izan ditzakeen ondorioez, eta orain arte diseinatu ez diren aparteko neurriak ezartzeko beharra adierazten dute.

Urrunago joan gabe, Emakundeko zuzendari nagusi Izaskun Landaidak joan den martxoan adierazi zuenez, “egoera berri baten aurrean gaude, eta oso adi egon eta jarraipen etengabea egin behar dugu, salbuespen egoera horri dagozkion neurriak hartzeko”. Gainera, nabarmendu zuenez, garrantzitsua da gizarteak eraginkorki zaintzen jarraitzea, biktimak babestuta senti daitezten. Gai horretan aditua den beste batek, Miguel Llorente Acostak, auzitegiko medikuak eta genero indarkerian adituak, honako hau idatzi du: *“egungo mugakizunen ondorioz kasu larriak eta hilketak itxuraz gutxitu daitezkeen arren, gero eta ugariagoak izan daitezke inguruabarrak aldatzen badira eta emakumeek indarkeriaren irteera errazago ikusten badute, une horretan arriskua handiagoa izango baita”*.

Beraz, ukaezina da aparteko neurriak abian jartzea premiazkoa dela, denontzat ezezagun den egoera honen aurrean.

Aldiz, harrigarria izan da, gutxienez, Donostiako Berdintasuneko arduradun nagusiaren gidaritzan falta COVID-19aren krisian zehar. Ez da ulertzen, alde batetik, lidergoa falta izatea genero indarkeriaren aurkako protokoloaren ezarri eta diseinatzean, testuinguruari egokituta, eta, bestetik, bulegoak gai dramatiko horren inguruan egiten dituen jardueri buruzko informazio eta komunikazio publiko eta pribatuaren falta.

EH Bildu talde politikoa

Grupo político EH Bildu

Ijentea, 1 - 20003 Donostia

Tel. 943481027 eh_bildu@donostia.eus-- www.donostia.ehbildu.eus -

Argi eta garbi dago ez dela nahikoa Berdintasunak **Donostia.eus** web orrian salatu nahi izanez gero zein telefono zenbakitara deitu behar duten adieraztea.

Beraz, salbuespenezko egoera horren aurrean, eta gomendioei jaramon eginda, udal talde honek proposamen bat egin zion Gobernuari, biktimei aurrea hartzeko, antzemateko eta kasu egiteko protokolo berezi bat egin zezan, Udaltzaingoko Genero Indarkeriaren Unitateren lidergoarekin eta koordinazioarekin nahiz hirian diharduten herritarren sareen eta elkarte sozial eta feministen laguntzarekin. Gobernuak, erantzunean, ez zuen gure proposamena balioetsi ere.

Horri buruz interpelatuta, Emakumeen Etxeak aurreikusitako programa batzuen egokitzapen telematikoen eta lineako egokitzapenen berri eman zuen Berdintasunerako zinegotzi ordezkariak, bai eta Gizarte Ekintzako teknikariak gauzatzen ari diren telefono bidezko jarraipenen berri ere. Ez zuen indarkeria matxista eta datozen hilabeteetan emakume horiengan guztietan izan ditzakeen ondorioak prebenitzeko protokolorik zehaztu, bere sailak COVID-19aren testuinguruan berariaz diseinatuta. Puntu honetan azpimarratu behar da emakume horiekin egunero harremanetan jartzen diren aditu feministak eta gizarte boluntarioak nazkatuta daudela neurriak lehen nahikoak ez zirela eta orain are gutxiago direla errepikatzen.

Azken buruan, salbuespenezko errealitate horren aurrean ohiz kanpoko neurriak prestatu behar dira, egoerarekin bat eta krisiaren hasieratik bertatik; ez da hala izan, eta ez dakigu hala izango den.

Horiek horrela, behean sinatzen dudan zinegotzi honek honako **KONTROL MOZIO** hau aurkezten dut:

1. Donostiako Udalbatzak udal Gobernuari hertsatuki eskatzen dio ohiz kanpoko protokolo bat egin dezala, oraingo salbuespen egoerara egokitua, genero indarkeriaren biktimei diren emakumeei prebentzioa, arreta eta erreparazioa eskaintzeko, erakundeak gidatuta eta lan horretan diharduten gizarte eragile guztien laguntzarekin.
2. Donostiako Udalbatzak udal Gobernuari hertsatuki eskatzen dio lehenbailehen diseinatu eta egin ditzala genero indarkeriari buruzko kontzientziazio, sentsibilizazio eta informazio kanpainak, COVID-19aren testuingurura eta emakume askok bizi duten arrisku errealitatera egokituak.
3. Donostiako Udalbatzak udal Gobernuari hertsatuki eskatzen dio Donostiako gizarte elkarteekin eta talde feministekin bilerak egiteko egutegi bat presakoa ezar dezala, konfinatzeak genero indarkeriaren biktimeengan dituen ondorioak analizatu, aztertu eta ondorioak aurreikusteko, alarma egoera honetan biktimei arreta eta laguntza emateko behar diren giza eta gauza baliabideak adostu eta ezartzeko, eta etorkizunean berriro gertatzea prebenitzeko.



EH Bildu talde politikoa

Grupo político EH Bildu

Ijentea, 1 - 20003 Donostia

Tel. 943481027 eh_bildu@donostia.eus-- www.donostia.ehbildu.eus -

Donostian, 2020ko maiatzaren 18an

Reyes Carrere Zabala,
EH Bildu udal taldeko zinegotzia.